



**CANTON SARAJEVO**  
**Cantonal Civil Protection Administration**  
**Operational Center**

Broj: 04-44-1-224/19  
Sarajevo, 16.12.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 07:00 sati 13.12.2019. do 07:00 sati 16.12.2019. godine**

**Dana, 15.12.2019. godine zbog povećanja koncentracija zagađujućih materija u zraku, proglašena epizoda „pripravnost“ u Kantonu Sarajevo**

Mjerenjem koncentracija zagađujućih materija u zraku na području Kantona Sarajevo jutros je zabilježen značajan rast prosječnih dnevnih koncentracija čestičnih tvari u zraku - PM<sub>10</sub>, predviđenih za epizodu „Pripravnost“ (50 µg/m<sup>3</sup>) i to na stanicama: Vijećnica 67, Otoka 64 i Ilijaš 99 µg/m<sup>3</sup>.

Prema vremenskoj prognozi Federalnog hidrometeorološkog zavoda, očekuje se stabilno vrijeme, bez padavina, slabim vjetrovom i sa mogućnošću temperaturne inverzije te u skladu s time i daljnje pogoršanje kvaliteta zraka.

Stručno tijelo za koordinaciju i nadzor, prema odredbama Plana interventnih mjera, proglašava epizodu „pripravnost“ u svim zonama na području Kantona Sarajevo u kojima se primjenjuje Plan, uz kontinuiran nastavak praćenja stanja kvaliteta zraka. Upućuje se i apel stanovništvu da smanji korištenje motornih vozila.

**Kantonalna uprava civilne zaštite Kantona Sarajevo:** Pripadnici Kantonalne uprave civilne zaštite Kantona Sarajevo u izvještajnom periodu imali su 19 manjih intervencija i to: četiri na obezbjeđenju (jedna tankovanja goriva na Međunarodnim aerodromu Sarajevo jedna sportskog jedna kulturnog događaja i jedna na obezbjeđenju vatrometa), devet na gašenju zapaljenog smeća u kontejnerima, dvije tehničke (sapiranje kolovoza i sapiranje platforme), dvije na gašenju zapaljenog dimnjaka i djela krova, jedna na gašenju napuštene barake i jedna po dojavi da se osjeti plin u zgradi.



**Napomena:** U protekla 24 sata Pripadnici Kantonalne uprave civilne zaštite Kantona Sarajevo imali su osam manjih intervencija i to: jedna na gašenje zapaljenog dimnjaka i djela krova, tri na gašenje zapaljenog smeća u kontejnerima, dvije na obezbjeđenju (kulturnog događaja i na obezbjeđenju tankovanja goriva na Međunarodnom aerodromu Sarajevo), jedna tehnička (sapiranje platforme na Međunarodnom aerodromu Sarajevo) i jedna na gašenje zapaljene napuštene barake.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snadbijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 3°C, vlažnost zraka 74%, barometarski pritisak 946,8 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1